

20.09.2019.

01/11-02-5-654-1/19

**ILDA ALIBEGOVIĆ**  
**POSLANIK U SKUPŠTINI**  
**UNSKO-SANSKOG KANTONA**

## **SKUPŠTINA UNSKO SANSKOG KANTONA**

Predmet : Zahtjev za uvrštanje na dnevni red sjednice Skupštine Unsko-sanskog kantona - Prijedloga Zakona o izmjenama i dopunama Zakona o izvršavanju Budžeta Unsko-sanskog kantona za 2019.godinu, dostavlja se -

U skladu sa 52. Stav (3), a u vezi sa članm 135. Poslovnika o radu Skupštine Unsko-sanskog kantona ("Službeni glasnik Unsko-sanskog kantona" broj:9/17), kao ovlašteni predlagač, u prilogu Vam dostavljam Prijedlog Zakona o izmjenama i dopunama Zakona o izvršavanju Budžeta Unsko-sanskog kantona za 2019.godinu, te tražim da se isti razmatra po skraćenom postupku, uz slijedeće:

### **O b r a z l o ž e n j e**

Članom 133. Poslovnika o radu Skupštine određeno je da kada nije u pitanju složen i obiman zakon, podnosilac prijedloga zakona može umjesto nacрта da podnese prijedlog zakona i predloži da se prijedlog zakona pretresa po skraćenom postupku bez nacрта.

Prijedlog da se donese zakon po hitnom postupku, skupa sa prijedlogom tog zakona, može da podnese, među ostlim, može i svaki poslanik, uz obrazloženje razloga zašto je neophodno da se zakon donese po hitnom postupku.

*Ministarstvo finansija ne može vršiti bilo kakve radnje koje su u suprotnosti sa odredbama Zakona o izvršavanju Budžeta Unsko-sanskog kantona za 2019.godinu, niti bilo kojim drugim aktom derogirati odredbe Zakona.*

Neophodne su izmjene postojećeg zakona kako bi mogli vršiti plaćanje smještaja studenata u studentskim domovima u Federaciji BiH, preraspodjelom omogućiti isplatu plaća i paušala skupštinskim poslanicima i omogućiti provedbu procedure kod dodjele sredstava u razdjelu 20.- Ministarstva poljoprivrede, vodoprivrede i šumarstva.

*Svjesni da će zastoј u plaćanju dovesti do posljedica po korisnike budžeta i druge korisnike javnih prihoda, a kako nije u pitanju složen I obiman zakon, tražim da se donese po skraćenom **postupku** Zakon o izmjenama i dopunama Zakona o izvršavanju Budžeta Unsko-sanskog kantona za 2019. godinu.*

U prilogu Zakona je obrazloženje istog.

S poštovanjem,

**PONOSILAC PRIJEDLOGA**



**Ilda Alibegović, poslanik**

Dostavljeno:  
-Naslovu

**BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON**

**Z A K O N  
O IZMJENAMA I DOPUNAMA ZAKONA  
O IZVRŠAVANJU BUDŽETA  
UNSKO-SANSKOG KANTONA  
ZA 2019. GODINU**

Bihać, septembar 2019. godine

Na osnovu člana 11. b) i e) odjeljka A, poglavlja V. Ustava Unsko-sanskog kantona- prečišćen tekst („Službeni glasnik Unsko-sanskog kantona“ broj 1/04 i 11/04) i člana 7. Zakona o Budžetima u Federaciji Bosne i Hercegovine („Službene novine Federacije Bosne i Hercegovine“ br.102/13, 9/14, 13/14, 8/15,91/15,102/15,104/16,5/18,44/18), Skupština Unsko-sanskog kantona, na prijedlog Vlade Unsko-sanskog kantona, na sjednici održanoj dana \_\_\_\_\_ 2019. godine, donijela je:

**Z A K O N**  
**O IZMJENAMA I DOPUNAMA ZAKONA O IZVRŠAVANJU BUDŽETA**  
**UNSKO – SANSKOG KANTONA ZA 2019.GODINU**

**Član 1.**

U Zakonu o izvršavanju Budžeta Unsko – sanskog kantona za 2019.godinu («Službeni glasnik Unsko – sanskog kantona» broj: 4/19, 12/19), u članu 16. stav (2) nakon riječi: „kodova 611000“ umjesto slova“i“ stavlja se zarez, te nakon broja „612000“ briše se tačka i dodaje tekst“ i 613900-ugovorene usluge-naknade skupštinskim zastupnicima”.

**Član 2.**

Član 38. mijenja se i glasi:“

**Član 38.**

(Subvencije javnim preduzećima i ustanovama  
i Subvencije privatnim preduzećima i poduzetnicima)

(1) Sredstva utvrđena u razdjelu 18. Budžeta „Subvencije javnim ustanovama” koriste se po osnovu programa koje donosi Vlada, na prijedlog resornog ministarstva.

(2) Za raspoređivanje sredstva iz razdjela 15. 19. i 20. „Subvencije javnim preduzećima i poduzetnicima“i „Subvencije javnim ustanovama“, provest će se postupak javnog oglašavanja po kriterijima koja utvrdi Vlada, na prijedlog resornog ministarstva.

**Član 3.**

U članu 43. dodaje se stav (2) i glasi:

„(3)Sredstva utvrđena u razdjelu 20. „Subvencije za poticanje razvoja poljoprivredne proizvodnje“ dodjeljuju se putem javnog oglašavanja po osnovu kriterija utvrđenih Programom subvencija za poticanje razvoja poljoprivredne proizvodnje u 2019.godinu, koji donosi resorno ministarstvo, uz saglasnost Vlade .“

**Član 4.**

Ovaj Zakon stupa na snagu narednog dana od dana objavljivanja u «Službenom glasniku Unsko – sanskog kantona».

Broj: \_\_\_\_\_/2019.  
Bihać \_\_\_\_\_/2019.

Predsjedavajući Skupštine  
Unsko – sanskog kantona

---

## O B R A Z L O Ž E N J E

### ZAKONA O IZMJENAMA I DOPUNAMA ZAKONA O IZVRŠAVANJU BUDŽETA ZA 2019.GODINU

#### **USTAVNI OSNOV**

*Ustavni osnov za donošenje ovog zakona sadržan je u članu 11. b) i e) odjeljak A, poglavlje V Ustava Unsko-sanskog kantona prema kojem je u isključivoj nadležnosti Skupštine donošenje propisa o finansijama i finansiranje djelatnosti kantonalne vlasti, ustanova i institucija koje kantonalne vlasti osnivaju, a Skupština Unsko-sanskog kantona, uz ostale nadležnosti predviđene ovim ustavom, odgovorna je za donošenje Budžeta kantona i donošenje zakona kojima se osigurava potrebno finansiranje.*

#### **ZAKONSKI OSNOV**

*Zakonski osnov za donošenje sadržan je u Zakonu o Budžetima u Federaciji Bosne i Hercegovine („Sl. novine Federacije Bosne i Hercegovine“ br.102/13, 9/14, 13/14,8/15, 91/15,102/15,104/16) - u članu 7. kojim je određeno da Budžet donose zakonodavna tijela kantona, te da se uz Budžet donosi Zakon o izvršavanju budžeta, kojim se uređuje struktura prihoda i primitaka te rashoda i izdataka budžeta i njegovo izvršavanje, prioriteta plaćanja, obim, zaduživanja i garancije, upravljanje javnim dugom, te finansijskom i nefinansijskom imovinom, prava i obaveze korisnika budžetskih sredstava, ovlaštenje vlade, ministarstva finansija i ministra finansija u izvršavanju budžeta za tekuću godinu, kazne za neispunjenje obaveza te druga pitanja vezana uz izvršenje budžeta.*

#### **OBRAZLOŽENJE RJEŠENJA**

##### *Član 1.*

*Ova dupuna bi omogućila preraspodjelu sredstava između bruto plaća i naknada i naknada skupštinskim zastupnicima koji u toku godine mjenjaju svoj radno pravni status.*

##### *Član 2.*

*Vlada Unsko-sanskog kantona i Ministarstvo obrazovanja, nauke, kulture i sporta su 11.10.2001. godine potpisale Protokol o subvencioniranju smještaja i ishrane studenata u studentskim centrima – domovima u Federaciji Bosne i Hercegovine. Navedenim Protokolom je predviđeno davanje saglasnosti na broj primljenih studenata u studentske domove do 25.09. za akademsku godinu.*

*Ministarstvo obrazovanja, nauke, kulture i sporta je dalo Saglasnost na broj studenata koji ostvaruju pravo i koji su prošli proceduru javnog oglašavanja, koju su proveli studentski centri, za akademsku 2018/2019 godinu. Prije davanja saglasnosti na broj studenata kojima se sufinansira smještaj i ishrana u studentskim domovima, obaveza Ministarstva obrazovanja je da pregleda dokumentaciju dostavljenu od strane studentskih centara, a koja se odnosi na studente sa područja Unsko-sanskog kantona u smislu ispunjavanja uslova koji su definisani Zaključkom Vlade Unsko-sanskog kantona broj: 03-017-623/2015 od 30.07.2015. godine i to: da su redovni studenti sa mjestom prebivališta na području Unsko-sanskog kantona, da su redovni studenti koji su upisani na fakultete kojih*

nema na Univerzitetu u Bihaću i da su položili sve ispite iz prethodne akademske godine i time stekli uslov za upis u narednu godinu. Broj studenata koji su dobili saglasnost u akademskoj 2018/2019 godini je Studenski centar Sarajevo 89. studenata , Studenski centar Tuzla 2. studenta i studenski centar Mostar 5. studenata.

Obzirom da je Zakon o izvršavanju Budžeta Unsko-sanskog kantona za 2019. godinu stupio na snagu sredinom marta tekuće godine , a to je sredina akademske godine, nije moguće provoditi postupak javnog oglašavanja kako je definisano Zakonom, te se predlaže raspored sredstava po osnovu programa.

- Također u člamu 38. dodaje se razdjel 20. i definira način korištenja sredstava u Ministarstvu poljoprivrede, vodoštrivrede i šumarstva.

-Član 3.- definiše način korištenja sredstava „Subvencije za poticanje razvoja poljoprivredne proizvodnje“, kod korisnika Ministarstva poljoprivrede, vodoprivrede i šumarstva.

## **PREDLAGAČ ZAKONA**

**Ilda Alibegović**

